

Mattup ki Pool yi riñe a Tit

Enj urzi k'ono d'oj kun t'oone adda mattup ettiyo

Ette mattup ki Pool yi riñe a Tit. Tit gen yon Yawudusu ye, wo yi ziipe addi a Almasi, yon tan baadan y'izire ti Pool me.

Pool gen yi y'iilo Tit a siido ere a diine k'ahu sundutu Kiret, kono yi beere d'oj dokkiyo wo y'a nooge d'oj ogiyo ti suma k'Isa a siido gettiyo. San man yi di riñe mattup kono yi t'eele kooke a Tit wo yi di ruute, d'oj i ziipe addan a Isa gen mummino an di koone ti tuddan, wo wede tuuku ton lekkiyadi t'a koone me. Yi di ruute son, mummino y'an t'eele kooke a gôldfali, a inñi, a bulagi, wo mummino d'oj dokkiyo ki d'oj ogiyo ti suma k'Isa gen lekkiyadan t'a koone me.

Toose ki Pool

¹ Mattup ette i raaniya nun Pool wede naabo ki Raa wo wede zina k'Isa Almasi. Raa y'o elo naabo ere d'oj yi biire'ñ n'a ti'n waako a urzi zaapu k'adde a Isa, wo n'an di kize urzi wede d'erec a-t'ette a lekkiyo ere kettiyo ti Raa, ² in kino an di zaape elkisadan an t'oona lekkiyo ere ki daayum. Lekkiyo gette Raa yi ruute y'in t'ela ti poone y'a okkima duniya botto too, yon wede i ki lohito ono ye. ³ Aame onniyo ere Raa y'ele gette t'iide man, a lekkiyo gette y'o t'iidiba ita t'urzi

k'onamí, wo y'o d'ele a beezó urzi ki kazita aa Raa Wede k'Uttiyadiŋ yi ruute.

⁴ Mattup ette ni raaniya a kee Tit, kee wede a nuŋ aa ulo k'addó a urzi zaapu k'addiŋ kine kaŋ soo. Geŋ beeko ti toose ki Meega Raa ti Isa Almasi Wede k'Uttiyadiŋ i koona eedá.

Naabo ki Tit a siido Kiret

⁵ Nuŋ ni ki k'iilo a siido Kiret miŋ kono k'a ti d'ange naabo ere daa d'angu, wo ki-zappe doŋ dokkiyo ki doŋ ogiyso ti suma k'Isa adda geeger ere tuuku toŋ maŋ, a urzi wede n'a ruute.

⁶ Doŋ dokkiyo geŋ wede tuuku toŋ a lekkiyadi d'uwó an ki zaapu ono a eedí ye, wo eddí soo d'aŋŋal. Inŋizaŋ an ziipe addaŋ a Isa, d'uwó an ki roote sooruzan oldo ye, wo an ki koliyo t'ekki maawan ye. ⁷ Inŋino maŋ wede dokkiyo an i ele yeeriyo ki suldi Raa geŋ, i dehu a lekkiyadi d'uwó an ki zaapu ono a eedí ye, y'a ki t'ise wede i koliyo tuddí ye, wede kulkuwo ye, wede sobo ye, wede bursido ye, wo y'a ki dehe sokiyo suldi kaŋ ombide ye. ⁸ I dehu y'a seeda d'uwó, y'a geyye isiyo munda wede beehiye, yoŋ wede i-d'ede elkiyo, wede ki diine, kamileŋ, tuddí yi aaniya, ⁹ y'a seeda zakidi a ono doŋ an d'ede urzi d'uwó an d'ambe eego, a-t'ette a dooyiso ere kine in duuye gettiyo. Inŋino maŋ yoŋ y'a aana y'an t'ela kooke a doŋ oŋgo t'urzi dooyiso ere d'erec, wo a doŋ lattiya dooyiso gette y'a aana y'an di-kiza onamaŋ doŋ butte geŋ me*.

* **1:9** 1.9 Lekkiyo ere ki wede dokkiyo: Kun wollo adda mattup ki 1 Timote 3.2-7.

¹⁰ Injino maɗ i d'ede ɗoɗ ɓaadaɗ miɗ ti diine kane ɗoɗ Yawudiyagi i ziipe addaɗ a Isa, kane geɗ an di koliyo t'ekki ɗuwo, wo ti onamaɗ ɗoɗ daa k'urzizaɗ an ti'n daggiya ɗuwo me. ¹¹ Kane geɗ urzi ki rootiyo k'an ooli ye, kono ɗoɗ pay adda ɓoyɗi an ti'n daggiya, an an d'eliyo dooyiso ere i k'ise t'eliyo ye, kono geɗ an dehu an sikiti sulɗi ti beezaɗ kaɗ ombide. ¹² Wo ti kaaga geɗ i d'ede wede ede ti siidadaɗ yoɗ nebi raazaɗ†, y'a ruute, y'ede: «Kane ɗoɗ siido Kiret geɗ kane daayum ɗoɗ lohito k'ono, ɗoɗ aa seyɗi ulpi, ɗoɗ golguwo an elkiyo miɗ a addisadaɗ ɗaɗɗal.» ¹³ Wo ono ɗoɗ yi'ni rootiyo geɗ kane ɗerec. Injino maɗ kee k'an rooto ti golla zakidɗi a munda ulsu an isiyo me, kono an di zaape addaɗ a Raa a-t'ette a urzizí. ¹⁴ Wo soɗ an a-ki seeda zakidɗi a tayɗayi ki Yawudiyagi ɗoɗ daa k'urzizaɗ, wo a oogoro ere ki ɗuwo ti ti'n argu t'urzi wede ɗerec geɗɗo ye. ¹⁵ Sulɗi pay miɗ kamileɗ ki ɗoɗ kane kamileɗ. Wo ɗe ki ɗoɗ ulpi ti ɗoɗ i-tuuge ki zaapu k'addaɗ a Isa geɗ, munda kamileɗ umbo kono kane eedaɗ soodo a elkiso ti elkisadaɗ ere ki suuniyo munda eɗ beehiye eɗ ulsu geɗ, i t'ize ganigi. ¹⁶ Kane an rootiyo Raa an yi suune, wo ɗe a naabadaɗ ere an isiyo gette an yi giigira. Geɗ kane naabadaɗ gette k'a t'azzira, kane ɗoɗ toogyto, wo an k'aane an k'ise ye naabo ere beehiye soo toɗ maɗ.

† **1:12** 1.12 Ono ki wede suuniyo ki siido Kiret sundi Epimenid, yi likke ozzine suma meeda zoot ki poone Isa an di y' t'eha ɓotto.

2

Dooyiso ere d'erec

¹ Wo kee Tit, k'elo dooyiso ere a-t'ette ti dooyiso ere d'erec ki Raa. ² Gôldfali kuuli ki'ni dooyo tuddan an ti-seeda, lekkiyadan t'a koone ti ottilso, an d'ede elkiyo, wo an seedu zakidi a urzi zaapu k'adde a Isa wede ki kotto, a geyyiso wo a ombine. ³ Wo a erayi gôldfali ton in'kino, ki'ni dooyo an di lekke lekkiyo ere ki diine, an d'ooli ti zappu k'ono ekki duwo me, wo an ki t'ise bulagi toote ye. An di t'ele kooke wede beehiye, ⁴ erayi don kodiyagi an di'n dooye an di geyye kuulizan ti innizan, ⁵ an d'ede elkiyo, lekkiyadan ki diine kamilen, an aane boydizan an di'n seeda, an di koone don beehiye, wo an ki kili t'ekki kuulizan ye, kono wenda soo ton y'a ki kilde ono Raa ye.

⁶ Kuuli don kodiyagi ton, k'an eelo kooke an t'ise don an d'ede elkiyo. ⁷ A suldi pay gen, kee batum a lekkiyada urzi naabadá wede beehiye k'an yi kaza, an di wolla an di daana. Dooyisada gette k'anni dooyo koduwo wo t'adde soo, ⁸ onama an di koone ono d'erec daa niikiyo. In'kino man don k'olmidaya pay an seeda sukuyagi kono an ki t'ooná ye munda ulsu ki rootiyo a tukki kine me.

⁹ I dehu bulagi gen a suldi pay an ki kili t'ekki galmaawan ye, lekkiyadan t'aase unse a kane galmaawan me. An ki dehe niikiytadan ye galmaawan me, ¹⁰ wo a munda tuuku ton an an ki'n oogira ye. A suldi pay gen an di kize tuddan kane daayum an seedu zakidi a naabo galmaawan te, kono naabo ere pay an

isiyo gette a t'ele suma a dooyiso ere ki Raa Wede k'Uttiyadiŋ.

¹¹ Derec, Raa yi t'iidiba ita a beekadí ere a urzi k'uttiyo ki dŋŋ pay. ¹² To beeko gette t'inni dooyiso in d'ooli sooru ere oldo, ti suldi dŋŋ ki duniya addiŋ i dehu geŋ pay, kono adda duniya ette in di lekke lekkiyo ere ti elkiyo, ere ki diine wo ere kettiyo ti Raa. ¹³ Geŋ inŋkino in di delle unŋsuwo ere in zaapu elkisadiŋ eego gettiyo, wo in di delle soŋ onniyo ere dŋwo pay an di wolla daryika Raa goole ti Isa Almasi Wede k'Uttiyadiŋ. ¹⁴ Yo wede y'a ele tuddí batum y'a inda kono kine, kono y'in di'n adde t'adda suldi dŋŋ ulpi pay, wo y'in di'n ise kine dŋŋzí dŋŋ kamilen, dŋŋ wehini k'isiyo naabo ere beehiye*.

¹⁵ Tit, geŋno munda wede i dehu kee k'a dooya ti toogo pay ere an a ele te, k'a t'ela kooke, wo a dŋwo k'a rootita ti golla zakidi a munda ulsu an isiyo me. Kee ki oola tuddá wenda soo toŋ yi-koŋilsa ye.

3

Sooru ki dŋŋ i ziipe addaŋ a Isa

¹ Tit, kee daayum k'an rooto a dŋŋ i ziipe addaŋ a Isa geŋ, an kili t'ekki dŋŋ booro ti deero k'akuuma ye, an d'olliga onamaŋ, an di lekke tuddaŋ daayum okkime k'isiyo naabo pay ere beehiye. ² A wenda soo toŋ an i roota ono ulpi ye, niikiyto an oolo, an di dehe an d'ise beehiye a dŋwo, wo an di kize daayum kane

* **2:14** 2.14 Kun wollo adda mattup ki Soom 130.8; Ezekiyel 37.23; Egzod 19.5 wo Deeterenom 14.2.

ɗonj tasse a eda ɗonj pay. ³ Derec, ti kaaga gen kine tonj elkisadij umbo, in di-tuuge a Raa, in digge. In t'ize bulagi k'ita sulɗi ɗonj tuuku tonj tudde ti dehu ti unjuwo tudde. In di lekkiyo adda bundiko, in di zaapu addij a sulɗi k'eebin, injkino manj ɗuwo an in di'n giigira, wo kine wede tuuku tonj yi koogire bakadi. ⁴ Wo aame Raa Wede k'Uttiyadij yi gize beekadi ti geyyisadi a ɗuwo pay gen, ⁵ y'in di'n utte. Wo y'in utte kono kine in ize naabo ere ki diine ko? Aha, injkino ye! Y'in utte kono y'in ize adde koduwo, wo y'in d'ele ehiyo ere aware t'urzi suyyiso batem wo t'urzi k'Unde Kamilenj. ⁶ Unde gette Raa y'in ele daa dooziyoy adda k'addij t'urzi k'Isa Almasi Wede k'Uttiyadij. ⁷ Injkino manj ti beekadi y'in di'n ize kine ɗonj ki diine a ɗaanadi, wo y'in d'ele urzi in t'oona lekkiyo ere ki daayum, ere in zaapu elkisadij eego. ⁸ Ono enj kane derec a urzizanj.

Wo nunj ni dehu k'a seeda zakidfi a ono enj me, kono ɗonj i ziipe addanj a Raa gen an seeda zakidfi an t'ele tuddanj pay k'isiyo naabo ere beehiye. Genj munda wede beehiye wo a nooga ɗuwo pay. ⁹ Wo kee ki t'alɗu ti niikiyto ere ki bita, wo ti ɗippiyto k'ita mongidagi ɗonj i ki ɗangu ye. Wo sonj ki t'alɗu ti dehuwo k'ono k'ulpi, wo ti rootiyto k'ono a lette adde a urzi k'oogoro Raa. Kane genj ki bita, a ki nooge munda ye. ¹⁰ A wede i ti teepiyoy zamba ɗonj i ziipe addanj a Isa genj, kun i di roote kanj soo ki sirwe yi k'ambu ye manj, kun ti y' ledɗo ti tuddugunj me. ¹¹ Kee ki suune wede injkino genj yonj yi t'udɗe t'urzi wede derec ki Raa me, yonj wede k'oldfiko, yode batum yi ti

t'eliyo tuddí booro t'a yi seeda.

Ono don ki dangu

¹² Aame nuŋ n'a-t'igiba Artemas koo ise Tisik koo maŋ, k'a ombiŋi k'a edi kesiko k'anni t'oonaa Nikopolis, kono anŋenno di dihe ni lekkey a ume reele me. ¹³ Kee k'a d'elko baadaŋ a torguwo ki Zenas wede k'ooniyo ti Apolos, kono a torguwadaŋ gette munda a ki'n beete ye. ¹⁴ Inŋino maŋ zembadiŋ don i ziipe addaŋ a Isa* ton, an di dooye an t'ele tuddaŋ pay k'isiyo naabo ere beehiye, kono an t'okka d'ollo ere oone a don ongo, wo lekkiyadaŋ a ki t'isa ki bita ye.

¹⁵ Don pay ti nuŋ eŋ an a-t'ize toose, wo kee k'an t'iso toose a kane don inni giyye a urzi zaapu k'adde a Isa. Inŋino maŋ beeko Raa ti koona eggun pay.

* **3:14** 3.14 Zembadiŋ don i ziipe addaŋ a Isa: Pool yi rootiyo ti zemba don ki siifo Kiret.

**Mattup ki Taasuwa ere Aware
Mukulu: Mattup ki Taasuwa ere Aware (New
Testament)**

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

523c1c0a-f8ac-5d2f-aebe-7063b0de6b23